



1 90585

省齋全集卷之九

雜示目錄

諭示

諭代書示

條規附

因臬案大堂牌諭

關防詐偽示

關防交易示

勸散夫婦偷理示

律例四條附

諭止送物牌示

勸民語

以上隆昌縣

到任撤回要物票示

到任條規示

硃諭鍾姓等互控事

諭各社首彌補舊虧示

曉諭公舉壽民示

因案示諭

給王章喜劉明甫小傳諭

當堂不接新詞牌示

省齋全集

卷九

雜示諭目錄

機房告示

釐正風俗示

剔除社倉積弊示

條規附

請祀張公名宦册稿

勸諭窮民示

以上彰明縣

鄉學條示

保甲條示

勸諭貧民入保甲示

禁大利權押示

宣講流弊示

禁夜戲示

禁婦女趕場入廟燒香示

捐費買公示

禁種罌粟示

禁擱海網魚示

錢票示

以上資州

平武諭

奉委出省

平武再諭

督憲廠商爐戶等諭

宣造府

勸民節儉示

茂州咸豐元年終



省齋全集卷之九

通潤牛樹梅雪樵著

及門

朝邑雷爾卿
射洪涂定中
彭明劉照葵
資州張國恩

校刊

雜論

一對諭代書示

以下隆昌縣

費費費費費

一百文其命盜律案以

費費費費費

昨日投遞紅呈者本縣概未准收一為愚民無知每以新官到任為告狀之期稍為阻抑其中必有清夜自思或親友勸解而止者一人罷訟即可免數人之拖累也二為填寫紅呈往往有訟師播弄任意捏造全無真面者所以不用狀式概行不收但其中亦必有情事較真急欲投訴者今特諭爾代書人等名戳既具即與代省齋全集

卷九

不諭

寫並將條約開列於左

一 代書原有十二名本縣一仍其舊無庸另考亦毋得出規費等

一 錢一文

一 告訴等詞依口代書毋得絲毫增減致生枝節總以簡明為主

一 每張不得過三百字

一 投寫呈詞者所取紙筆之費每張毋過一百文其命盜等案以

及貧苦急難者即飭值日代書登時寫給毋准要錢以免抑冤

一 每日審結之案定須當時具結毋許延挨遲緩

以上粗具條約各宜凜遵違者定行責革治罪念爾等皆係讀書之人因功名不就藉此託業不惟可以糊口毋亦好行方便

之善術片言解脫福德無量一字冤孽苦海無邊自愛者各顧爾後當無俟本縣之以法令相繩也特諭
諭各差總領頭役人等知悉本縣准理詞訟有應辦應禁各條開列於後俾爾等觸目警心毋違特諭

一每鄉總領各出具保頭役之結而頭役出具保散役之結互相

勸戒如有私勒舞弊疲玩誤公者承保之總領及頭役即時稟

舉如總領頭役明知護縱並支使散役藉案押搥以圖分肥者

一經查破照保甲連坐之法一並察

一奉票傳人除票差有名之役毋得私帶白役下鄉騷擾如敢不

省齋全集

卷九

示諭

遵查出重究

一每簽一票本縣酌道路遠近註明期限如違限二三日者量加

責懲其至四日以外者卽行責革不貸

一奉票傳人被告一到卽時開案送審如被告既到而原告延至

五日不到者亦卽隨時稟明以便將被告釋回案亦註銷毋許

延拖干咎

一在官人等必令一錢不要勢所不能但必摸摸心頭看看王法

尚可過去者方可取受如有不顧情理強索詐勒等弊一經覺

察或被告發或卽在當堂原被口內問出定行盡法懲治決不

寬恕

一奉票緝捕盜賊如有妄挈平人私行吊拷教供咬騙得賄私放等弊或將乞丐搪案或將原日有案現已改過之人常時詐索致令無路自新者有一於此一經查出定行加倍懲治
一起賊贓必須協同牌隣保正不得私行濫起致有栽贓匿贓乘間掠取諸弊亦可免窩戶反噬之端違者重處

因梟案大堂牌諭

照得本縣身爲長官而使民間有梟獍之行五夜思維良深悚懼茲特自罰齋居素食出入不用炮行香不用樂不用傘扇旗鑼不用號掛過一月後復初將此諭內外執事人等知之特諭

關防詐僞示

省齋全集

卷九 示諭

三

爲再行關防詐僞事照得本縣攝篆此士三月於茲雖識淺才疎而區區之心絲毫無染亦庶可以共諒凡衙門一切公事悉由自決從不假手於人或家人書差以及地方奸詐之徒向爾誘稱走路數鑽門子包輸贏者爾等慎勿上其圈套入其彀中至本縣審理詞訟如有自知錯悞之處立即改正但錯自我錯改自我改非有他人能操轉移之權也誠恐內外人等或有借此播弄遂說有甚路數能使輸者復贏套哄爾等錢財殊堪痛恨總之官民一體以心相見詞訟案件本縣如有屈抑爾等之處不妨明白呈訴與爾更正萬勿聽人套哄將爾身命血貲白教人木鐘撞去也爲此除密訪外各行出示曉諭自示之後如有前項情弊受者與者定

以同罪重處決不寬恕各宜凜遵毋違特示
關防交易示妻年如不實夫夫歸還至限人表字其正論
照得本縣蒞任以來所有署內買用一切食用等物以及掉換銀
錢俱係現銀現錢隨到隨發並無賒欠卽偶有暫用銀錢之處亦
必有確據爲憑誠恐內外人等或有向爾舖戶賒欠者假稱署內
應用希圖撞騙合行牌示曉諭爲此示仰舖戶人等知悉自示之
後倘有前項賒欠等弊許爾等扭稟送案以憑查究如爾舖戶人
等甘心被騙又不稟究卽係自取其累也毋違特示
勸教夫婦倫理示
爲教諭鄉民敦重夫婦以正倫理事照得戶婚田債乃民間常有

省齋全集

卷九 不諭

四

的事件就中婚姻一道關係最重只緣夫婦是五倫的根本若是
世間無有夫婦便沒父子兄弟那裏更有君臣朋友就當有個夫
婦的名兒若是夫不成夫婦不成婦將來生出後人定是父子不
成父子兄弟不成兄弟你看自古以來如晉獻公衛宣公等類但
是夫婦間有些乖張無不破國亡家禍延數世所以孔聖人說道
有夫婦然後有父子有父子然後有君臣自來世道的盛衰家道
的興敗都是從夫婦身上起根來本縣到任以來婚姻案件多日
常有不是買休賣休便是刁逃刁嫁爲丈夫的不愛妻子就把他
賣與別人去了爲妻子的不喜丈夫就跟上別人走了甚至無聊
匪徒把人家妻子刁拐出來走上三五十里輒敢改名換姓公然

主嫁就有那等的大膽蠢才竟敢不問來歷公然接娶及至投入
到官幸而把人找來爲丈夫的也就甘心領去不知這個下賤的
婆娘穢汙家門不可復收總由眼中見得這樣事情多了所以看
做家常恬不爲怪你們試想一想這還可叫做人麼古來有一個
寡婦苦志守節他的屋子裡有一對燕子來巢後來把一個燕子
死了那一個活的再不搭伴這節婦在他腳上繫一紅線以爲記
流到第二年春分後那帶紅線的燕子仍然來巢這節婦有感於
心垂着眼淚作詩一首曰昔日無偶去今春獨自歸故人情義重
不忍復雙飛這是暗中說他自己因丈夫的情義深重不忍再嫁
也又有一人用箭射死一隻鴻雁丟在院壩到了次日却有一隻

省齋全集

卷九

示諭

五

鴻雁與那射死的雙雙挽頸而死可見禽鳥也有夫婦也有這般
同生同死的恩義就是你家養的牛馬猪狗若是同伴兒慣了把
一箇折賣出去這個在家的也要叫喚找尋竟曰不甚喫食那個
賣出的也要趁便跑回盤盤旋旋不肯竟去世間無知的禽獸到
那真情流露處最足令人感傷何況你既爲人又做夫婦這是前
世姻緣上承你先人的禮祀下立你後人的根基難道無恩無義
反不如那禽獸不成就是家道窮苦難以養活究竟夫婦同心容
易成家不信那賣妻子的丈夫便都發財那背丈夫的妻子便都
榮貴了你們何不看眼前這樣的男女有一個好過的沒有就
到將來能望他子孫昌夫不能總之人生在世廉恥爲重當日有

個王凝身死在外他的妻子背着骸骨還鄉一日天晚投宿店主不肯留畱把他手上牽扯出去這婦人愁恨說道我的這手乃爲他人所牽便是不潔淨的肢體了他就拿起斧頭把這一隻手腕自己斫斷你看這等婦人他的手腕被人牽了一牽就說汙穢不堪能可斷去何況你活活的丈夫在世今日嫁張明日嫁王想成一箇甚麼身體了爲丈夫的甘心將你同牀共枕的人忽然交與別人爲妻這是何等心腸可愁可歎總之一人如此不成人家眾人如此不成世道你等識字的人將我這言語遍講鄉愚或者此等風氣少可挽回一二若不能行惟有照例嚴辦數人庶知敬懼言不盡意望切請切

省齋全集

卷九

示諭

六

並將律例四條列後

一用銀錢買休賣休和娶人妻杖一百婦人離異歸宗財禮追出入官若娘族人等逼同夥嫁婦人發官媒改嫁媒合人等杖九十

一買休之人用計與婦人逼勒本夫休棄買休之人與婦人各杖六十徒一年婦人由夫嫁賣媒合人等杖一百又如見人婦少艾用計買爲妻妾者罪亦如之

一婦人或童養之婦背夫逃走杖一百若輒自捏情改嫁者擬絞

監候

一姦夫誘拐姦婦同逃姦夫發極邊足四千里充軍姦婦杖一百

徒三年

諭止送物牌示

示

示

示

示

示

示

聞縣屬士民欲為本縣製送牌傘並建石坊等物殷殷相愛之誠
 令人心感而亦實滋心愧是以急行諭止非敢以為謙也薄德厚
 報適足損福到任以來於一切應盡之責百無一分今又欲為過
 情之譽將毋實重其咎何體面之為耶夫官民相愛以心不以跡
 以實不以名但願爾等更相教勉勤儉孝友忍事息爭勿以鼠牙
 雀角費爾營生之力花爾血汗之貲則本縣之心慰亦即同奉我
 以和平無事之福也如曰錢已歛齊不好退回當此時屆冬令擇
 老穉之無依者量加周濟豈不甚善若不肯遵諭停止而本縣亦
 省齋全集

卷九 示諭

七

必不敢受枉費爾等之心枉花無益之錢是何為者君子愛人以
 德各宜善體毋違此諭

十月
初二

勸民語

勸吾民聽我講既為人要向上孝父母敬尊長教子孫和鄉黨男
 耕讀女績紡要勤苦莫閒放要節儉莫手浪守本色戒時樣早完
 糧少借賬勿賭博勿淫蕩勿逞刁勿行強能讓人足福量善爭競
 觸禍網八字定休妄想活好人天會養窮極莫做賊寇極莫告狀
 身從高處立路向寬處往斯為盛世良民常將太平福享

到任撤回要物票示

彰明縣

照得本縣到任所有應用什物向由各場預先備辦本縣查閱票

單見其爲數太多誠恐票差勒取鄉保勒派致滋擾累今將原票急行撤回按照實係應用之物另出票飛加蓋圖章爾舖民人等再爲遵照辦繳其有應領價值者著於初一十五日當堂給領決不拖延此諭

到任條規 十五條

照得本縣家世寒族素習勤苦一行作吏庸碌無能惟區區不願耗民一文血汗之錢廢民一日營生之力清夜自反尙屬真心惟期除奸剔蠹漸次感格與吾民相見以心共享無事之福此爲至望所有到任規條粗具於後

省齋全集

卷九

示諭

八

路行客詐稱本縣親友希圖撞騙者立即扭稟究治

嚴私取本縣署內應用什物俱照民價現錢公買以及兌換銀錢並無賒欠扣底之說如有私借私賒甚或短價勒索者許舖民人等即時扭稟究治

禁開廳賭博各處輪班慣以開廳爲業如本縣輪班或在本城或在鄉場覓人代爲開賭剝削窮民立即扭稟究治

嚴代書本縣考取代書不准花費一文以後每呈一張所取筆費多不得過一百文命盜要件以及鰥寡窮獨均不准其要錢

只須依口代筆不得添改情節如違究處

嚴書差本縣簽差凡係尋常事件每票不過二名如有藉事藉

稟橫行索詐以及私帶白役下鄉騷擾甚至串通匪類坐地分
贓要案不挈私擒私縱種種弊竇有一於此立即喊稟以憑盡
法究治但不得藉有此示捏情妄控審實亦卽坐誣
一嚴才訟地方有訟棍訟師巧設圈套誣陷平民兩造破家一人
專利以及武斷鄉曲把持官吏種種惡端不可枚舉現在
憲嚴辦誣告照例反坐不准以悔和了事本縣現已訪悉數人
如能及早斂跡革心尚不失爲改過自新之人否則有觸必羸
改悔無及
一嚴期限本縣凡出喚票酌量人數之多寡道路之遠近定有期
限殊標票尾爾兩造人等務須依限赴案隨投隨審毋得遲延

省齋全集

卷九

示諭

九

自累如係票差戒榻當堂回明以憑究治

一嚴私押凡票內用拘字者鎖用喚字者不鎖如有本係喚票而
差役輒敢私鎖私押者稟明究治卽緝拏竊賊獲卽帶案毋許
私行平拷違者不貸

一嚴詞訟拖累本縣審理詞訟隨到隨審書差不得措壓如被告
到案五日而原告圖告不審猶不到案者原差稟銷或被告自
行稟明準其銷案歸農

一禁冤白本縣審理詞訟或有錯誤准爾等再投呈詞仍與覆訊
不得寫貼冤白甚或宰牲淋血自取重咎如有情事本虛希以
冤白掩飾聳聽者加倍究治

此風隆昌一帶頗盛

一防撞騙本縣審理詞訟或有錯悞一經自知立即改正徂錯由
己錯改由己改非有他人能為轉移也或有見本縣前後異斷
輒以鑽甚門子走甚路數誑爾財物者切不可信宜即扭稟到
案究治

一謹下鄉騷擾本縣因公下鄉輕騎減從所有夫馬飲食之需皆
由自備跟隨人等每人日給飯食錢八十文刑件書辦酌予脚
費署內先發一錢一飯不准向爾鄉約事主人等索取違者稟

究惟請親勘者事主酌出隨
者盤費以抑率請之弊

一緊團練川省地方以治盜為第一義而以役捕盜不如以民捕
盜故團練一法最為緊要爾等向各有團亦即各有團規只要

省齋全集

卷九

元諭

十

團首得人明白正直足以服人平日合數小團為一大團義氣
相激守望相助務使遠近村落聯為一氣一遇有事小則鳴鑼
大則放炮各於要害處所兜圍擒拏如或賊人拒捕格殺勿論
擒送到官酌量獎賞但不得挾嫌滋事致干戾咎本縣稍有餘
閒亦即示期親點總期盜賊屏跡良民安堵爾等各宜振刷奮
勵毋稍怠忽

一禁帶刀川省風氣往往隨身帶刀一有忿爭即便逞凶以致命
案累累且好人帶刀即與匪徒無別以後無論本地外來但有
帶刀遊行者許約保團眾立即拏送究治

一禁男女無別男女有別廉恥斯存鄉下窮家婦女趕場營生勢

所難免乃或酒店茶舖任意遊行甚至男女雜坐談笑飲食以及油頭粉面進廟燒香挨肩擦背恬不知恥之徒敗壞風俗深堪痛恨以後有如此等查出重處夫男其交替年節爭雄

殊論鍾進連鍾鳳鰲等互控事進連之鴨踐踏鳳鰲之秧為所殺食一要賄鴨一要賄秧

以此抓首縣書簿以為查示兩半正毆互控

查爾等所控其事甚微不過一時氣忿互說狠話因之抓扭滋鬧遂至輿詞告狀骨丹生傷不顧利害其愚可憫本縣察看詞情傷必不重忍之三日不但傷平而氣亦平彼此無事可以仍敵和美矣若必打成官詞則仇隙彌深從此遂難平復且別人正值農忙之時而爾家叔姪弟兄羣焉告狀豈非家門不祥之兆一來傷恩

省齋全集 卷九 示諭

賊義二來耽工誤事三來花費貲財恐爾賄賂賄之錢不够開銷也為此將爾兩造呈詞託人發還自憑家族各認半句錯仍敦和好保了多少元氣占了多少便宜即爾祖宗英靈亦必轉怒為喜矣如其必定執拘要說傷重不測等語可仍將此原呈來投本縣自有處置也此諭 丙午

曉諭各社首彌補舊虧以代盤查示 丙午正月出示

照得縣屬設立社倉七十餘處積穀一萬六千餘石原為豐歉不虞之備所關甚大惟經理社首應由每年二月交替年清年款方無承久無弊本縣蒞任後卷查各倉社首往往積年不替其中保無挪移虧短情弊本欲於二三月間分路親盤懲除積弊既念當

此青黃不接之時追賠虧項雖屬該社首咎所應得究必苦累且
有近於不戒視成之弊茲特以半年期限準於秋收後親行盤查
該社首等如有虧短趕緊填補足數毋得臨時無措自取拘追此
係閤縣重大公項經此寬限曉諭後再有違悞毋謂本縣執法太
峻也毋違特示

曉諭公舉壽民示

照得本年恭逢 恩詔內開凡民間耆老自八十歲以上者給與
九品頂戴九十歲以上者給與八品頂戴其百歲以上者給與七
品頂戴百二十歲以上者給與六品頂戴仍題明給與建坊銀兩
此誠 皇上恩恤老民之至意無論貧富自當一體仰邀 皇恩

省齋全集

卷九

示諭

十一

今本縣訪聞有等耆老實在年紀已登髦耄委因家貧無力報舉
者尤堪念恤亟出示曉諭爲此示仰閤邑遠鄉僻壤耆老知悉
若年紀實在八十以上者止須身家清白並無過犯本人邀同鄰
里一二人赴案投呈供甘各結候本縣親爲查驗即可爲之詳請
給予頂戴榮身如此簡便庶各耆老不憚使費而共沐 皇仁也
爲此特示

因案示諭

照得重莫重於名節矧屬閨門毒莫毒於構誣動關性命茲有楊
昌印夫婦竟以借錢不遂之嫌誣及蔣在仕已字未嫁之女含沙
逐無人之影射及兩家噴血濺不刃之刀殺其三世冤驟舍夫不

白身幾死於無名而楊昌印猶復逞刁歧控拖累數月狗既瘳而
亂噬蛇不死而倒傷是宜抉鬼子之心驗其黑白尤當拔夫人之
舌量其短長黃紙披身果昭速報紅光現嘴聊戒多言雖云加以
嚴刑懲經盡法猶念時當大暑例得免枷安縣自行悔銷彰城准
予取保爲爾寬罪名之夫再看後來願人知自孽之深有如此示
以戒給王章喜劉明市小傳諭

省齋全集

卷九 示諭

三

當堂不接新詞牌示

爲申明放告本意以省訟累事照得各衙門放告必以三入日爲
期者誠以人情一時忿氣越日漸平或自己轉回或親朋勸解遲
以時日即可化有訟爲無訟倘貿然投詞一經批准雖悔無及所
以放告之期必待三入不肯隨時接受者以此非故措勒爾等也
爲此再行牌示自今以後惟控准訴詞聽其自便其新詞除命盜
寫呈投呈不準出錢及毆傷重件情事急切者仍許隨時投呈外其餘一切
戶婚田土賬債口角細故倘非告期當堂決不收受勿得往返守
候徒自滋累也毋違特示

機房告示

各衙門機房告示

爲曉諭事照得本年三月以來爾等機房會首請示江彰兩縣因而自立條規以致工匠不服節次生事本縣於機房事務未能周知故料理亦未能遽安近乃體察延訪頗獲備細大概工匠可惡在於動輒鳴鑼糾眾罷市爲害本深而主家所立新條亦有不存厚道之處如牽梳卯內亦行雙扣概免打雜之夜飯罔恤匠人之疾病本非舊規無怪版釁今既逐一核正矣其餘各條意亦猶是不過語言傷時未免劉四罵人之夫且或頗有複雜本縣畧爲裁併期於整齊圓和其餘實在情節並無加減惟釐金一條訛係新派試思小本開設誰愛出錢而歛貲既多尤爲壯膽近日工匠有以科歛而喊冤者聞主人亦有以估收而滋鬧者若果行此害無

省齋全集

卷九

示諭

古

了期且各場皆有三皇會不知今年三月忽爲釐金之議意欲何爲應與工匠歛錢同行禁止至於大乘寺議事之說惟春秋二季齊集議價尙屬可行若如原規所云三場凡有是非總以大乘寺爲議事公所是以是非之業是非之人而日日滙聚一是非之地無論事涉兩縣辦理有窒碍也卽新場亦有公所亦有頭人事苟就地可了了之已耳而必邀三場之人赴大乘之地何其不憚煩也總之三場生意可以同規而必不可同會以後除春秋議價外其餘一切事務只准各了各場斷不得連合一處以滋無窮之禍夫工匠多雜處之人固然良莠不一而主人多豐裕之家亦宜寬厚居心本縣細核各條除工匠鳴鑼罷市必須嚴禁外其餘利

害所爭不過錙銖以錙銖而釀巨禍清夜問心當亦自悔本縣身
爲民牧與其繩無聊者以法何如勸有身家者以德若爲主者果
能從厚而爲匠者仍復不法許其指名稟究加倍重處決不寬恕
各宜凜遵毋違特示

釐正風俗示

爲釐正風俗事照得本縣蒞任以來躬行節儉體察民情凡地方
積弊隨時諄諄勸諭期於返樸還醇奈德薄才淺而積習太深於
散本務實之道仍未盡知今將勸諭各條開列於後以便寓目經
心知勉知改本縣實有厚望焉

一勸勤儉從來教民必先養民養民之事如今更無別法可想惟

省齋全集

卷九 示諭

五

此勤儉二字可以奉勸吾民俗語流傳最有深意事業謂之生
理勤者謂之做活路懶者謂之沒營生言奔走營幹則生活安
逸怠惰則死亡也至於儉之一字關係尤重 聖諭廣訓言之
至爲痛切誠以富者不儉必至於貧貧者不儉非討口則做賊
耳試思富家錢穀有餘正好節省施濟以培子孫之福何苦爭
強賂勝誇無益之豪華啟後人之淫蕩哉俗言說富家一席酒
窮漢半年糧八字福祿能有幾何此中分數當有折除矣至於
窮苦人家更要口挪肚攢留此有餘以防不測昔時有個唐修
脚兩腿雙癩不能掙錢却學了一個修脚生理每日吃人家飯
食遺落幾文工錢供養其母又將瓶子一個埋在地中上用竹

筒逼口每日投錢一文年終取出與他母親買件衣服今爾百姓雖窮却是身強力壯一日挪攢一文錢也該容易何故隨來隨花今日不顧明日事現在連年豐收米糧便易任你混過設一旦遇個荒年不知將這性命交於何人川省地方嫁娶喪葬最好講究體面乃至幫工抬轎之人也要吃酒吃肉一日所掙一日吃完其賭博妄爲者無論也本縣在署粗衣布履婦女做飯紡綿數日始一食肉爾等當亦有所聞見至於建修寺廟演戲做會等事實爲民間妨業耗財之大蠹而羣趨不厭只爲鬼神禍福之說錮蔽人心無可奈何呂新吾先生以爲州縣能嚴禁此等可以占其政教今後再不必以有用之財施諸無用之地也若夫燈戲淫鄙尤爲傷風敗化前經 大憲通飭禁止在案如敢演唱應以違禁論罪

誠子不養親鄉間愚民往往未曾長大輒卽分居而爲父母除留膳田膳錢令其各自度活其在寬餘之家尚有使令之人至於窮家小戶年紀已邁筋力已衰甚或父鰥母寡全靠子婦供養度此餘年乃令皤皤白髮自做自食苟具人心得毋有所不安耶本縣聽訟之時見有母子分居仍在一鍋做飯子有三口母只一人子飯先熟與其妻兒同食而母乃將就熱鍋匍匐自炊香又有弟兄輪日管飯此推彼卸者如此等類言之痛心試想我當初幼小不會吃飯之時父母待我是何心腸是何光景

今乃得此報答在他人身上猶爲昧盡天良何況生我劬勞者耶思之思之此中情事當是如何處置不待本縣多言矣

一禁弟兄轉房查律載弟收兄嫂兄占弟妻罪皆絞決其知情親族皆杖八十是例禁何等森嚴今乃公然成風天理何在王法何在嗚呼惟有死其兄弟之心乃有占其妻妾之事以後如有犯者卽應照例嚴辦以存人道於幾希

一禁賣休買休夫婦爲五倫之本男婚女嫁務從省便不可勒索聘禮誇耀裝奩只圖一時體面不顧後日拮据古人云與其貲匱豐備何如嫁不失時真名言也至於已經完配之夫婦尤宜生死相守乃夫或自賣其婦婦或背逃其夫動以家貧爲詞試看人家雞犬卽或喂養缺食亦必有依戀王人不捨門戶之意乃以夫婦之恩愛而竟雞犬之不如無論賣休買休例禁極嚴其自待亦居何等矣

一誠不教子弟家道興衰全在子弟子弟成敗全在幼時此時不教後將無及教子無他法總不出一個苦字耳慮其愚也則苦以讀慮其貧也則苦以或耕或質或手藝慮其慣口也則苦以淡慮其慣身也則苦以粗衣慮其安逸也則苦以早起遲眠慮其放肆也則苦以禮坐侍立慮其筋骨之脆弱也則苦以勞力之事慮其心氣之高抗也則苦以卑辱之事淫朋樂也勿使之交聲色樂也勿使之近酒館飯店樂也勿使之遊總之拂心

之境不妨多嘗快心之處不可多去豈真欲其苦哉其苦之者
正所以貽之以甘也昔鄧禹出將入相有十三子除讀書外使
各習一手藝如木匠石工之類曰如遇貧難可以自救范忠宣
公身爲宰相其子與人會課去城二十里往返徒步以敗扇障
日呂正獻公教子甫十歲祁寒暑雨必令侍立不得去巾襪衣
服湯文正公教子弟讀書輒至夜分不輟人語其太苦公曰少
年兒宜使苦苦則志定將來不失足也歷觀古人教子總不出
愛能勿勞之語今人愛子始則姑息繼而驕縱迨至人大心大
血氣嗜慾與年俱長若火之燎於原不可撲滅矣大約慣壞子
弟之事其端有二一則任其逸樂一則令其逞強一則喜其占
便宜豈知逸樂之極不至於蕩產不止逞強之極不至於遭凶
不止占便宜之極不至於竊盜不止卽如衙門中種種案件推
原其故那件不從三事起衅又那個不從幼時驕慣受症有志
垂裕保世者可以省矣

一禁停喪不葬及暴露棺骸死者之入土猶生者之入宅久淹親
柩例有明禁世俗惑於陰陽風水之說致有積年不葬蟲蛆鼠
嚙者勿言罪戾其心亦太忍毒矣至於暴棺曠野風吹雨淋尤
爲可慘又聞有患寒病而死者並不在家裝殮抬諸道路始行
入棺放在官山從此無事孤魂無主朽骨飄零死者何辜使之
至於此極耶噫良心易薄愚夫難曉不知始自何人偶爲疾病

禍福之說以訛傳訛竟至牢不可破昔晉時大疫有庾衮者兩兄病死一兄復危家人皆出避於外惟衮獨留不去曰我性不畏疫遂親自扶持晝夜不眠其間復撫兩兄之柩哀哭不輟如此一百餘日疫氣既歇家人復返兄病得愈衮亦無恙父老咸爲歎服始知癘疫之不相染也今以尋常寒病竟至屏熟尸於門外委殘骸於螻蟻不念天良動言禍福豈知天道卽在人心如此等人尚有得福免禍之理耶本縣飭令鄉約細查各牌如有暴露棺骸勒限於一月內令其家屬親族一體安葬其有實在無主之棺尤望地方善士捐貲掩埋否則由該約具稟本縣照棺發錢若該約有不認真辦理之處一經查出定行重懲

省齋全集

卷九

不諭

九

一禁喪葬非禮喪葬之事應遵禮制只以哀戚爲本衣衾棺槨爲重道場超薦之說已屬不經乃近時風俗竟有酒食宴會開場聚賭鼓樂喧天甚至扮演雜劇及唱板登戲者却像父母死了倒是一場大喜事平心試想於汝安乎近又聞有熱喪在地乘此迎娶名爲孝裏成親病狂喪心尤爲法禁所不容地方知禮之士急爲愚民諭之

一誠婦女燒香及一切左道敗俗之事俗語云在家敬父母何必遠燒香又曰放着活佛你不敬深山古廟拜泥神此言人能孝順自然神降之福不在燒香也且卽要燒香一瓣通誠何必進廟家有男子安用婦人今乃使之油頭粉面穿紅戴綠擁擁擠

擠挨肩擦背無恥之徒前跟後看不知成何體面至於保福慶壇包頭勸酒男女混雜甚有白馬仙娘走陰下神之類引誘狂愚敗壞風俗神如有靈定當治其褻慢矯誣之罪尚何福之能得至於祈神許愿亦人情之所應有但祈禱之實或思省平日罪過對神盟心從此改悔或富者許錢財貧者許心力要行某等善事若干件如此許願神必佑之若不論善惡只靠燒些香紙獻個刀頭唱一本板橙戲神便歡喜你保佑你是神曾小人之不啻矣恐無是理爾等試一思之

一誠主佃不睦主佃相安兩利之道主人藉佃客而收不耕之租

佃客藉主人而種無糧之業乃近來風氣主人家稍貧難便以

省齋全集

卷九

不諭

三

就佃找買控累佃客佃客坐底稍多即以退佃抗租挾制主人

此皆薄道亦卽致窮之本各宜戒之

一勤修保甲弭盜之法莫良於保甲保甲者所以清盜賊之淵藪

也淵藪既清蟲蛇自遠此一定之理故治盜賊不如破一窩

戶惟是窩戶所在官不及知役不及捕而其行爲蹤迹必不能

掩近鄰之耳目故保甲之法自鄉長以至牌頭層層管束層層

稽查一家有犯九家連坐豈敢爲苛法哉誠以立法必嚴奉行

乃力比戶有稽查之責斯盜賊無容足之所不但扶善而黜惡

並可驅莠而爲良正本清源之道無以踰此乃爾牌甲人等或

畏牽連或碍情面或慮報復編聯已有未實稽查復不認真夫

以爾民利害切己之事業經官爲作主明查暗稟頭頭開導乃仍瞻顧因循以苟一日之無事豈非自貽伊戚乎今保甲之事已有成緒所望互相奮勉認真稽查其搬去遷來之戶仍卽遵照前諭隨時添註責成招主庶幾盜息民安不至負此一番勞費也

一勸親睦保甲之法不止弭盜而亦教民之要道也蓋保甲昉於

周禮周禮五家爲比使之相保互相結保也五比爲閭使之相受互相

受患難相救也四閭爲族使之相葬喪葬相助也五族爲黨使之相救患難相救也五

黨爲州使之相調水旱相張也五州爲鄉使之相賓德行相推也如此層

層聯絡如身之有臂指如網之有綱目古人合天下爲一家者

宣齋全集

卷九

示諭

三

用是道也查邑人每尙施濟至於有借無還以致絕少通挪則又求人者自斷血脈也今望爾牌甲人等有無相通善過相勸口舌相排解患難相扶持十家同牌比於八家同井則風俗人心蒸蒸日上豈特稽查盜賊而已哉

社倉條示

丙午秋收後示

爲剔除社倉積弊以濟民食以免累害事照得縣屬地方共有社倉七十餘處積穀一萬六千餘石以之濟青黃備凶歉實千萬人身家性命之所係也乃自法久弊生虧空纍纍以此破家者有之累子孫者有之承接無人年年興訟者有之良法美意幾何不反成厲階乎現在年穀豐賤彌補尙易故自春前預示秋後盤查尤

期整頓齊全之後 在官在鄉諸君子共爲護法善佛保此勿替謹將訪知利弊開列於後

弊條

一社首非人吞蝕耗散甲眾狗情不肯稟究書差得賄代寫滿結

此虧短之由於社首者弊一

以後社首須由正經紳糧出名公舉公舉之人卽與社首協同經管

有腐則公同賄出不能專問社首如書差串弊者追賍責革

一花戶借穀每有無恥紳糧奸頑土棍任意佔借惡狀百出當其

借穀之時卽不作還穀之想以致小戶效尤互相抗推社首將

欲稟追反多訟費忍氣吞聲拖延賠墊一切社倉諸弊由於此

種者十之八九此虧短之由頑戶者弊二

以後借穀須要妥保仍憑紳耆社首酌給

省齋全集

卷九 示諭

三

多少不得估要足數如本年不還次年貼名公所不準再借其能還不還者社首只用蓋戳白頭稟呈一張當堂投遞立予簽

追一切開單送案不許花費分文庶社首無所畏難而奸民有所顧忌

一社倉定例原聽民間自行管理不准吏胥經手乃近來每年報

替社首放借倉穀等事衙門費用動輒數串其有倉穀虧短者

更須暗用重賄方得朦具滿結以致愈虧愈深此虧短之由衙

門者弊三

以後報替社首只准出紙筆費二百文放借請示還倉具結以在一百文官如親盤夫馬自備或遺書差

給予飯錢而已不得多索分文其倉穀足額交領清楚者不得無故盤查自滋擾累

一每年報替放借等事必須傳同牌眾方能議行乃或社首傳帖

並辦酒食而一二把持之徒故意不攏使眾人不致定議一次

不攏改期又請至再至三此允彼拗酒食花費所累無窮此虧

短之由請客者弊四 以後社首傳帖祇備於茶不用酒飯只須鄉長甲長及老成公正之人議定卽行其
有藉端濫撥者指名稟究

一或有穀無倉者糧戶分領各貯各倉不特非立倉之本意而且
貧富無常數年之後難保齊全此虧短之由無倉者弊五 以後定限

一年內各修倉
厥移貯公所

利條

一向來管倉視爲畏途以致公正紳糧不肯出頭專取樸訥無能
之人強爲舉報或任奸黠喜事之輩自行闡充試思爲社首者
誠能經理得宜上宣朝廷之德意下濟貧民之饑苦士君子
家居里處爲國爲民無所藉手此正小試經綸之一端豈不隆

省齋全集 卷九 示諭

三

重而顧諉諸瑣瑣之輩乎豈知報部額穀不容虧短一旦奉文
清查終需甲內大糧按名賠出何如自行出頭共爲經理之爲
愈乎今本縣於社倉所以賠累之弊力爲剔除當亦無所畏難
何不踴躍承認也卽或另報社首專司出納亦須紳士大糧公
舉公管勿令社首獨擅其有好頑之戶估借把持社首不能制
服者公同稟究庶花戶不至累社首而社首亦不至累眾人如
此則賢者任事諸弊不生利一

一社首既屬正人官宜禮貌相待若有事稟官概令親身投遞非
所以示體恤今擬每倉刻給某處社首戳記一箇遇有稟官事
件卽與協管之人具名用戳遣人呈稟或當堂或由房不許花

費分文交替之時此戩互相接領其有不關社穀者不得混用
如此則社首無僕僕之勞利二

一社倉本意不止備荒原欲於每年青黃不接之時減息出借接濟窮人近日多以易放難收不敢出借雖可免社首之害而不能爲眾人之利今如所示諸條拖欠之弊既可無虞放借之事仍可舉行或春夏減價出賣秋收卽以所賣之價買穀還倉以陳易新本息在手亦無不可惟或借或賣均須耐煩經理務令甲內貧戶均沾實惠此正設立社倉之本意利三

一每年放借原有加一還倉之息此舊例也此項息穀不必列於正額惟另立簿據憑眾算賬除社首工力與一切支用之外其餘息穀另存年年積累或夫馬義學或橋梁瀆堰皆可公用惟不准作演戲賽神等無益之費如此則久而久之爲益無窮而社首亦不受人侵吞息穀之挾制利四

省齋全集

卷九 示諭

五

一每年收穀上倉總以九月十五爲止其放借之時有願稟官請示者有不願請示者均聽自便只須九月以後有穀足額而已如此則官民無掣肘之虞利五

以上諸條姑就本縣所知者逐一拈出以定遵守噫興養立教皆州縣之本務非可易言以此民間現有之積儲勤而修之或亦足食之一道是所望於紳糧之善體斯意也

請記名宦册稿 係代士民擬就

爲公懇祀人名宦以彰循良以愜輿情事竊惟郎官上應列宿望
係蒼生循吏雅號慈君恩加赤子卽使一節堪稱猶將千秋是報
矧廉能素著德廣樹於生前教養兼施恩長留於去後者哉茲有
浙江開花縣已故前乾隆甲午舉人原任本邑縣令張公宏軒者
學在匡時心存濟物道誼原師董子度著深醇平生有似沂公志
非濫飽賢書鸚薦登雲路於崇朝宦海波清鎮水心之一片其理
署也庭靜飛花門清如水法嚴蠹吏惜百姓之脂膏交絕鱗魚凜
四知於暮夜用子賤任人之逸堂有鳴琴殫陽城撫字之勞案無
甯贖獄空三次散有脚之陽春庭瘦一官守不貪之至寶其治邑
也澤敷草野政播花封賞物勸農零雨稅桑田之駕課文勵士春

省齋全集

卷九

示諭

三

風添芹藻之香汰靡費之無名吏立冰上勸莠頑以更化人行鏡
中而且平價便商蠅頭利普懲奸止訟雀角爭疎災賑龐家塲鴻
嗽復業廉捐養濟院鰥寡樂生奇頌元規之十正可相方善稱季
路之三未容多讓將冀福星之陰永垂陰雨之膏乃屈驥足於靖
侯才非百里而捐鳧飛於葉令任甫五年思遺愛而猶念棠陰感
深雨淚欲建業而未蒙芝諾薦愧溪毛雖畱私祭於草茅猶願
叨光於俎豆士民等或傳聞之有自或實惠之親承憶竹馬於兒
時猶思儀範訪杖鳩之父老尚記口碑縱經歲月之如流彌覺仁
恩之不朽遲之又久終不可忘忍使就湮情誰能遣夫狄梁公之
令彭澤尚置生祠豈柳下惠之任魯邦但爲私誅茲逢皇上澄

叙官方褒崇循績似此良吏海宦之楷模用呈徽猷祈輝煌乎
報祀謹呈

一我公在任每月朔望城中皆逢場期必躬率僚屬宣講 聖諭
寒暑無間並令各鄉各牌公舉書義明白聲音洪亮之人一體
宣講以廣教化

一我公到任之初卽屏絕干謁非公事無所接見門庭如水平日
借負緣以售私者裹足屏息久之皆爲安分之人

一我公蒞任之初卽嚴馭書役並諄諄諭以天理國法陰陽果報
之說其黠者畏法而良者每多感動猶憶見一惡役服美每坐
堂必令值班而三年不予差遣備極狼狽由是諸役惴惴莫敢
省齋全集 卷九 示諭 五

稍肆至於票喚人証嚴定期按日集審違者卽懲故民無拖
累之苦而吏亦未嘗以嚴刻爲怨

一我公到任見厠中用白紙裱糊蹙然曰此地也裱糊何爲者問
何所得紙則行戶所支辦卽又拂然曰取人之物而至於紙供
己之私而至於厠能無愧乎命毀之自此一切供應概行蠲除
一我公自奉儉約宅門以內蕭然如布素一切需買貨物以及薪
米等項俱照時價給發從無官價之說隨取隨付毫不拖延

一我公准理詞訟一經誣妄必嚴究主刁之人自此訟師斂跡其
尋常爭執不輕笞杖必以時理反覆曉譬使之自知其非民非
有大害切身者亦不忍於興訟故城內酒肆茶坊皆清靜如鄉

一彰邑舊係土城且半圯嘉慶初邑令馬以教匪之亂倡築石城其石取於雙河場外之山勞費殊甚經久未成公至遠詢近視曰南山之石堅佳且路不盈里胡舍近而求遠也卽命擇日開山石不艱運方其三面而寬留其一比舊尤爲穩固而工省費輕至今完固如初

一彰城南北皆瀕於水嘉慶八年北河泛漲湮及城脚我公相度地勢築長堤數百丈工堅料實保障至四十年之久

一彰邑河西舊有龐家場居民稠密路當孔道爲車馬往來之地嘉慶八年秋大雨連綿河水陡漲店房舖面沖沒無存公聞馳

省齋全集

卷九

示諭

三

往履勘見居民男婦大小泣涕失所深爲惻惻當日卽另覓基址捐廉購買趕修如故災民復業自是人皆號爲張公塲並於我公沒後就地立祠祀焉

一我公於嘉慶十年度地料工督民開青蓮堰自涂家濠起至青蓮壩上接長興堰之水灌田一千一百餘頃利賴無窮

一彰邑向日差徭頗重責派民間吏胥約保因之爲利我公深知其弊親切釐剔裁革淨冗民力以抒

一我公每於春耕秋收之時親臨田野其農之勤者喚至慰勞賞以酒食給以草帽草扇手巾等物情者卽量蠲之自是人人力農競散本業民以富庶

一彰邑養濟院向無出息不過借以棲身而已我公倡捐清俸置田收租以資口糧自此棲院者有給養之實

一彰邑地處偏隅士多小就故人文每遜於他邑我公勤於訓課暇則輒至書院講論不輟並請諸教以身心之學由是士知敬品文風日盛撥府學額常優他縣數名之多

一彰邑民多有父子分爨者我公因爲割切曉諭並選所輯純孝錄編爲俗歌到處散布於是多有感發之功

一彰邑從前賭風頗甚他縣匪棍潛入勾引良家子弟多至破產我公刊發戒賭各條又恐見聞難周飭令鄉約戶長實力奉行互相稽查並令父老各議罰規約束子弟其能遵行無犯者訪

省齋全集

卷九 示諭

五

實則給以仁里扁獎厲之由是賭風頓息保全不少至今人猶感頌不忘

一我公在任尚值教匪未平之日公慮本地奸徒乘機作亂因力行保甲之法不擾不疎並於場市村堡招募團勇修立柵欄柳籬互巡於是奸匪潛蹤民得安堵

一我公在任僅數年獄空三次閣縣競以爲仁德所致好事者或於獄中演傀儡之戲以揚其美

一我公在任以善養人久之政簡刑清或終日不管一人暇則博覽羣籍其於宴會博奕之樂一無所嗜或無事出署或囚公下鄉輒呼父老談家常幼者問其所作何事所讀何書教以孝弟

勤儉等語孳孳不倦以故所至之處嬉然擁隨民竟忘其爲官云
勸諭窮民示

照得你們無知識的百姓往往作奸犯科偷雞盜狗甚者成羣結黨估索拉搥難道人世間的生理就是這個麼你也是天地生成的你也是爺娘恩養的你的爹娘生下你來看你是個男孩子心下喜歡不盡一日一日指望你長成人活一個長俊的人頂門立戶若是你小的時候有人說你將來做賊你爹娘心下如何再有人說你將來要坐監牢死非命你的爹娘心下又如何我想人性本善你們那個不是好百姓只爲窮苦無度饑寒交迫漸漸生出不好的心腸又有那種慣惡的人另有一番話頭他說帮工下

省齋全集

卷九

示諭

无

苦是呆漢打富濟貧是好漢甚麼梁山土兄弟甚麼綠林中意氣將這一派胡說的話頭湊合你那不好的心腸從此心也狠起來膽也大起來把這胡作非爲也當家常事做起來尋常陰謀巧取愛占便宜的人尙說是虧損陰陽報應不爽何況你們做的事要害死別人却好了自己恐怕沒這天理罷人生在世八字命定一毫勉強不來只是務正事活正人是由得自己的久之人也敬重你天也引佑你人說你們天良壞萬萬不能聽好話我說你們是好百姓萬萬沒有不會聽好話的况說我是父母官就是你不聽我却不可不教訓你我如今將幾個故事講與你們聽當初漢朝時候有個偷牛賊被失主捉住這時有個王彥方察見這偷牛的

人尙有羞恥的心把他懇懇切切教訓了一番說情放去過了半
年這地方有人拾了一把價值千金的寶劍坐在路上直等原主
找來把劍還去大家說世上有這們的好人及至仔細打聽正是
當初偷牛的人你看人一改過把一個做賊的人却成一個頂天
立地人了晉朝時候又有一個人名叫周處他生來兩膀有力却
是少年無賴人人受他擾害不過他一日問地方上父老說年歲
甚好人却悶悶不樂是何緣故這父老對他說我們地方有三大
害人情如何得樂他問三大害是那個父老說南山有一虎江中
有一蛟傷害人畜無數他又問再的一害是那個父老說連你就
是三大害他忽然猛省說道是這三大害我能除之於是把虎射

省齋全集

卷九

示諭

三

死把蛟斬殺自己改行爲善大反從前後來周處做了東吳大將
到如今江南地方有他的廟宇春秋受祭不說古人改過就是我
們甘省靖遠地方有個姓馬的人他當初貧苦無度就有匪人誘
他夥同做賊十夜到一羊戶人家把他從牆上扶進去教他宰殺
羊羔大家在外接贓他已到羊圈忽然發悔念到我的命窮如何
又多殺生命造此大孽想了一回遂大聲喊叫驚起主人把他捉
住他把實情告訴主人倒感激他與他些飲食東西放去他走至
半路拾了二三十兩銀子從此漸漸發起大財到如今已三四輩
人了子孫仍然昌盛可見人能改過老天引佑比尋常人更加十
倍我今諄諄與你把話說盡你們如不肯聽本縣再無方法就是

把你們殺死打死也無悔心了你們既具人形自有人心試仔細想一想是那條路好更望各處地方識字的佛心好人把我這言語與他過往不識字的人耐些煩勞誦誦唸與他聽一人傳十十人傳百勸轉回頭便是你們功德無量了毋違特諭

鄉學條示

以下資州道光二十八年戊申

照得爲治以風俗爲本風俗以學校爲先而學校尤以蒙養爲急查資屬義鄉兩學共有二十九處爲塾師者果能聚鄉民之子弟盡心訓課蒙養可端風俗斯賴乃查詢年來積弊當其考錄之時競走鑽營之路及至到館以後虛應故事甚或頂名賣缺終年未曾到館而接節支取束脩撫衷自問獨不內愧於心乎今本督州省齋全集

卷九

示諭

三

力挽此弊以課教之勤惰定束脩之多少如有仍前空設有名無實者除全扣束脩外仍予查究茲將訓讀規條開列於左

一鄉間農民送子入學往往僅以識字爲期稍長卽舍讀而徒業矣此等子弟與其苦力記誦終歸無益不如令其多寫字並勤解字義苟能舉筆終身受用

一四書五經村童讀不易記講不易解且往往四書尚未讀完而徒業者有之今擬凡教幼子讀本則以小兒語爲先講本則以四禮翼爲始易解樂讀切實身心其才分之高與父兄之供給能久者經書工夫自當以次擴充

一每日課餘呼羣兒並立取古人故事如小學所載嘉言懿行以

及陰陽果報可法可戒之實蹟與之講說一段並爲編作題名
如子路負米黃香扇枕之類使之寫於小本註明某日所講以
便查問如此積久充耳滿腹莫非善端所謂德性者自然也
一化民成俗莫若 聖諭廣訓王又樸先生衍爲日義更親切易
曉凡爾教讀之士卽可爲宣講之人擇地訂期集眾宣講誠心
耐久必有所動其在館中隨便爲羣兒朗誦一篇尤易感化
一凡父兄之教子弟塾師之教生徒皆宜做此訓導以培本原不
獨義鄉學爲然也

保甲條規

懸任皆有保甲章程大同小異此其爲人擬定者

一慎舉頭人爲治以得人爲先凡舉頭人不拘鄉紳士庶須選身

省齋全集

卷九 示諭

三

一家殷實公正明白眾人尊仰者爲保正其次爲甲長甲長自擇

牌頭令其分領花戶總要實在好人出頭不得濫舉非人

地方官到

任須留心延訪若先得可講一二十人以禮延致令其各舉所知層層推選庶幾端人取友不至濫及把持多事之人

一定牌甲十家一牌牌長領之十牌一甲甲長領之五甲一保保

正領之

大數如此若有錯落難齊之處稍多稍寡各隨所便

各就地面相近之處挨次編

聯其每戶須擇年壯當家者一人出名照式填寫

取宜

一給填草冊每保正一人給予草冊一本令將所管地方確切查

明花戶姓名作何生理有無糧業指主何人及戶內丁口若干

填於草冊內戶戶開列不准遺漏一戶戶內人人開列不准遺

漏一人

各牌頭詳核其于家丁口生業以盈於甲長甲長詳核其牌頭之所登以申於保正保正覆查果實然後彙入

一募民不可有漏戶編聯之法無論山尖嶺角菴觀寺院窮獨鰥寡均須一體編入惟有素不安分之人各牌眾多不肯與之同牌其人亦往往不自入牌不知編聯保甲正爲此輩而設若不編入使成漏戶彼反置身牌外恃無稽查肆無忌憚又安用此保甲爲也今官爲作主須將此輩一體編入但各繫於本牌之末註作零戶以明區別官爲傳喚具結令歸九家管束倘九家等不令人牌將來該戶有犯仍須查明鄰保先問編聯不實之咎再治容隱不舉之罪

一良民不可有漏戶有等守分愚民每以編聯爲具文爲多事動省齋全集 卷九 示諭 三

云我不爲非何故定要編我不知滿盤基子必須一一擺列方能辨出黑白若將幾顆藏於盒內又誰知你是白是黑况不入牌甲一旦若有牽連官定疑你不是好人是自悞也今後如有抗不編聯者保正甲長指名稟究

一親自查點草冊既竣因公下鄉卽順路抽查稍暇則示期分路查點如有遺漏惟編聯頭人是問責令再編再查庶幾可實
一領寫正冊查點既實每保正各給印冊二本照式填寫冊內每一甲後須餘半頁空紙總註以上每甲長所管自某處起至某處止共總若干牌若干戶男若干丁女若干口至冊末又將眾甲所管數目總註一筆保正仍將所管四至註明冊面如東至

某處與某保正連界西至某處與某保正連界之類庶幾一目了然保正卽與甲長等同具並無遺漏甘結一張以憑查核册

寫定一本繳署一本保正自存

一給門牌正册既定每戶給門牌一面每牌頭給十家牌一面俱令實貼薄板之上朝掛夕收以便互相稽查如有遺失甲長稟請補給亦有接界愚民此問云填彼牌彼問云填此牌致難查考者或請先給門牌照牌填册便難推解矣亦可參用

一嚴稽查所貴乎保甲者原欲就耳目之近互相稽查使盜賊無容足之地如本戶人出外查其果有正業抑係遊蕩外來人住站查其果是好人抑係匪類倘有蹤跡不明之人卽宜稟送到官方免干係此正保甲彌盜之本意編聯既定之後但有賊匪

省齋全集

卷九 示諭

七

卽究窩戶卽問同牌一家有犯照例並坐九家決不寬恕至一切佃居人戶責成招主自行稽查有犯以窩匪論

一查搬遷甲內各戶如有搬去遷來者牌頭須查明搬往何甲何牌告知甲長保正於牌册內註明每季將搬去者門牌繳縣遷來者稟請補給該房亦卽於存署册內查照註明至每年正月保正須另領新册膳清請官查點

一嚴禦外匪保甲所以寓武備古時比閭族黨州鄉卽今日之保甲也而軍政寓焉故無事爲民有事爲兵其頭人無事爲鄉長有事爲將帥今編聯既定旣以內清盜源尤宜外防遊匪倘有外匪竄入該頭人等迅速鳴鑼集眾四面兜拏遠近聞聲一齊

救應如該匪等膽敢恃眾拒捕格殺勿論其鼠竊狗盜之輩只

準協拏送究不得拘執擅殺此外如窩賭窩娼私宰私鑄一切不法等事皆可就保甲清之

一勤勸化保甲所以廣教化古時比閭族黨州鄉皆有層層讀法

之事卽今日保甲中宣講 聖諭更相化導之法也今編聯既

定爲頭人者不啻分地而理須是父勸兄勉使子弟等同心向

化其有鼠牙雀角微嫌小忿必先向頭人投理不得遽興訟牘

但使民間省一分訟累亦可保一分元氣十家同牌無異八家

同井親睦之風庶幾可望此外如義穀給賑鄉約善俗一切有益之事皆可就保甲行之

一給稟狀甲內查報公事並有應行密稟事件牌頭甲長告知保

正由保正隨時具稟但往返奔馳殊非優待之意今給保正稟

省齋全集

卷九

示諭

七

狀每人各五十張用完再領凡遇保甲公事准用稟狀填寫遣

人直至宅門投遞不花分文若尋常詞訟與保甲無干者不准

擅用

一禁索擾編聯保甲一切紙筆印刷書役費用以及下鄉查點夫

馬飲食等類均由官指不派民間分文其保正繳冊領冊請換

門牌等事均須隨到隨行該房不得延慢亦不得索要分文違

者准卽喊稟重究

勸諭窮民入保甲示

爲勸諭窮民改過自新一體編牌化莠爲良事照得川省地方五
方雜處無業之民十居二三竊盜之多實由於此夫人雖無業以

年力精壯之人當穀米豐收之日自糊其口諒無不足無奈不肖之徒只爲好吃懶做四個字下稍不是討口便是做賊既已做賊定要犯案板花在身惡名在外借貸則無人肯與傭工則無人敢收以致饑寒切身走投無路是一做賊之後卽欲不長爲賊而不能亦堪憫矣今本署州奉行保甲稽查匪類要知稽查之中實寓保全之意凡爾素不務正之人如果有心改過何不乘此機會向你家族地鄰人等多下兩膝跪多磕幾個頭懇其編入牌內聽受管束寫一服約與同牌人收執如有再犯甘受網送如此則眾人保你日久見信卽爲好人俗語云早起不做賊晚夕是良民卽此謂也其家族同牌人等亦勿以彼前日爲匪永與拒絕察其果有

省齋全集

卷九

示諭

五

改悔之情卽優予以自新之路或收留帮工或借給小本但有房土編入牌使之好自營生勿蹈前轍則稽查之嚴正所以爲保全之美本署州實有厚望焉如果冥頑無靈怙惡不悛則各牌各甲惟有稟送嚴究以除良民之害該匪等當亦無悔矣毋違特諭

禁大利攙押示

爲嚴禁攙押勒索並大利盤剝以儆刁風而除民事事照得民間放賤取利例不得過三分年月雖多不過一本一利如有短票折扣違例巧取重利者嚴拏治罪其銀錢照例入官受害之人並免追息其立法何等森嚴本署州下車以來訪聞州屬境內有等射利之徒在於城鄉市鎮見有本樸貧民或富家浪蕩子弟乘其窘

迫之時放以重利照日滾算一入穀中便成附骨之疽及至屢索無償統率多人攙押追討如閻索命甚至灌鼻塞耳不給飲食幾如周興來俊臣之所爲種種刁惡殊堪髮指除飭差嚴密查拏外合亟出示嚴禁爲此示仰州屬諸色人等知悉嗣後借賬取息至多不過三分要賬只須憑証理討不得邀人攙押倘敢復蹈前轍或經訪聞或被告發定卽拘案嚴懲銀錢照例充公決不寬貸至爾貧民人等亦當節儉持家勤苦度日卽有急事通挪亦須瞻前顧後切勿輕貸重利致受無窮之剝削亦不得藉有此示任意拖騙挾嫌妄誣致干併究各宜凜遵毋違特示

曉諭宣講流弊示

省齋全集

卷九

示諭

七

爲曉諭宣講流弊事照得宣講 聖諭爲化民成俗之本務本署州到任以來奉此兢兢除本城朔望與同寅躬自宣講外其四鄉樂善之士亦皆遵示踴躍到處宣講洵堪嘉尚惟是 聖諭十六條誦讀切切無非以天理人情感化斯民初未嘗有神奇異雜乎其間至於陰騭果報之理得福得禍之實原不妨於宣講 聖諭之餘廣採旁及以資警醒乃自世刻善書龐雜不倫喜談鬼神之情狀敢斥先儒爲腐迂如玉厯等類幽渺荒唐不可究詰甚至以陋劣之詩文謬托乩語使上焉者嗤其妄反弛敬信之心而下焉者惑其誣浸成詭誕之習於是 有詛盟之風於是有燒香之會於是有保福慶壇白馬仙娘一切男女混雜之俗夫豈勸善之本

意哉朝談鬼怪暮說神奇愚夫何知相沿益甚固理勢之所必至而不可易者也前聞威遠地方宣講會中有關帝降壇之事除問答瑣屑不計外關帝何以迴顧桓侯何以作勢二哥三弟彼此互呼述之者歷歷如繪焉問是請此否則曰非也是神附於十二歲之學童而爲之也噫以至尊之神而乃現邪魔之象以宣講聖諭之事而幾爲巫覡之所不屑如此等類理應拏問以正矯誣之罪尚得爲勸善化俗乎爲此出示曉諭嗣後宣講之士引說故典總以信而有徵者爲主一切荒誕不經之談奇雜不純之書慎勿濫及以滋流弊孔子曰務民之義敬鬼神而遠之聖人之言萬世定盤之鍼也各宜凜遵毋違特示

省齋全集

卷九

示諭

三

禁夜戲示

爲曉諭事照得州屬鄉場市鎮紛紛呈請演戲酬神勢難禁革但所演必忠孝節義等事方足達敬忱而資觀感乃往往扮演姦盜淫邪之事故作淫聲曲繪醜態以悅愚夫之耳目壞人心而褻神明莫此爲甚尙得謂敬神祈福乎至於演唱夜戲例有明禁州屬路當孔道往往匪人及本境無聊痞徒藉觀戲爲名乘間縉竊彈錢賭博酗酒打架惡習相沿深堪痛恨合行出示嚴禁爲此示仰州屬紳耆舖戶人等知悉嗣後如遇神戲不得扮演奸盜淫邪之事且只許晝演不准夜唱誠恐人眾繁雜別滋他事倘敢不遵查出定干重究不貸各宜凜遵毋違特示

禁止婦女趕場入廟燒香示

爲嚴禁婦女趕場入廟燒香以養廉恥而挽頹風事照得婦人女子謹守閨門理之正也本署州每見州屬年少婦女俏妝倩服露面出頭結隊成行或茶房酒店男女雜坐或朝神禮佛僧道挨肩致使輕薄之輩往來遊觀實爲廉恥道喪禮義風微推原其故皆由不明禮義之父兄夫男使之然也若不嚴行禁止將何以挽此頹風爲此示仰州屬軍民人等知悉自示之後如有年輕婦女仍敢結隊成羣趕場入廟或赴會看戲立即查究並拘縱容之父兄夫男到案一并重處要知持家趕場男子之事安用婦女又安用年輕婦女乎至於媚神求福尤屬無知譬如你存心好行事好就省齋全集

卷九

示諭

三九五甲

是不相識的人聞名也要愛敬你若存心行事惹人賤惡却要早晚親近他干求他他心中厭煩否人且如此何況於神不言平素爲人卽此油頭粉面入廟瀆神神如有靈定要譴責尚何福之能得凡此粗淺情理爾等爲夫男者當亦懂得何不預教也特諭

禁種罌粟示

爲嚴禁栽種罌粟事照得鴉烟一項外耗銀錢內傷性命富能使貧肥能使瘦生能使死不知天降荼毒何以不火盜而災不兵刃而殺此食烟者之自戕自燼不可救藥者也至於種烟之人其孽尤重今使有人焉日聚毒藥以誘取眾人之財暗傷眾人之命縱獲厚利謂其可以富身家而福子孫恐無是理種烟者所造之孽

與所得之財何以異此且 國法天也天之所譴誰能佑之爾百姓戴天履地乃以 皇糧國土而種此殺人害命之物作此逆上菟法之事獲利愈多蓄毒愈厚不遭橫事必生敗子十年不報是無天理爾百姓試深記而歷數之以觀此言之驗否也夫鴉烟之禁 朝廷所以極嚴者非有他意不過欲保爾等之家業全爾等之軀命耳乃上欲生之而食烟者自趨於死種烟者又欲死人以自生何其謬也古人云有恆產者有恆心又云民之質矣日用飲食本署州望爾百姓各安質樸以飲以食勿以恆產而反爲喪心之事也爲此示仰闔屬軍民人等知悉嗣後再勿種鴉烟自干重罪現在編聯保甲人有統屬務須父詔兄勉互相勸誡互相稽查

省齋全集

卷九 示諭

聖

以永絕此禍本署州於九月以後親身查看敢有違示栽種者定提牌甲之人治以連坐之法勿謂言之不早也各宜凜遵毋違特示

禁攔河網魚示

爲禁攔河網魚事照得凡有血氣異類同生不忍之心人皆共有古人於取物之中常存愛物之意故曰釣而不網又曰數罟不入洿池凡所以息物類厚人心也本署州查得州屬地方竟有攔河取魚者下用數十丈之網橫截中流直達兩岸上以鷹貓等物毆之使之盡入網中纖無遺類似此取物之法殊爲不仁之甚除飭差嚴密查拏外合行出示嚴禁爲此示仰沿河漁戶居民人等知悉爾等須體好生之德開三面之網羅放一條之生路只用漁船

小網釣鉤等類隨分取之不得仍用攔河長網貪有限之利造無窮之孽倘敢故違許沿河居民人等隨時告發仍酌估其船隻漁價以賞告發之人勿謂言之不早也各宜凜遵毋違特示

錢票示

查錢票一事本署州深知其弊屢經剴切曉示在案惟銀錢缺貴係屬通弊不止資州爲然亦不止四川爲然沿街兌票則鄉民受其指勒見票發錢則舖戶受其迫追若過抑舖戶勢必無敢出票則又商民交困之道矣查錢戶所議行規每錢一百千以二十千出零票給錢以八十千出整票兌用是此八十千之整票不過幾片字紙而已向時持票趕錢者雖不得錢尙有可望今則並無可

省齋全集

卷九

聖

望亦直無所庸其趕矣蓋此規一定則凡八十串整票原無給錢之規若有持整票以索錢者卽係違規之事舖戶得以掉首拒之矣其票非故紙而何此抄粘公啟所以窒碍難通也至爾等館房既苦錢票之難用當其賣館之時何不預講現銀現錢耶不過以講做票錢則價高講做現錢則價低此正所謂一家圖多一家圖拖者也今也交易之時則貪票錢之多及其兌用之時又喜現錢之便世上便宜只有一個豈能一人兩占耶此該呈所稟所以偏私不公也夫舟水相濟商民相資主客交易必須活盤通融方可互留地步否則各存私見兩相指勒必至血脈不行兩家受害矣爲今之計凡舖戶所出整票若有急需現錢者亦准持向本舖破

換零票酌定票期各視用錢之緩急勿作有意之勒逼則目前之事庶可相安至於嗣後賣鏹或做銀裝或講現錢或仍用票錢其價錢之高矮各隨所願可耳若交易時貪票錢之多而收用時又喜現錢之便則自貽伊戚官亦別無良法爲爾等調劑矣此論

平武諭

九月奉委出省十月回省

爲曉諭事照得爾等舊日集團近日集會並有被人指告之人疑畏躲避清所必至但本州此來並不挈治爾等譬如人身有瘡與其攻之使破不如散之使消爾等果能痛改前非本州正欲藉爾等之力辦地方之事卽如三鍋石荊溪各場上年集團之人今日反爲保團之士官敬民服爾等所知也何不效他所爲而欲怙惡

省齋全集

卷九

示諭

七

以終乎况上年爾等集團之時本州在彭明任內聞爾等曾有牛太爺若來我等卽願散團之語是爾等以父母望我我豈忍以寇仇待爾前日已遣王外委等明白開導諭爾來見尚恐懷疑觀望爲此再行曉諭宥爾已往之罪開爾自新之路爾等既具人心當

知好歹此次不來是鱷魚之不若矣豈王法之所能容論到限三日內齊集喬庄聽候吩諭從此改惡爲善亦卽轉禍爲福本州有厚望焉特諭

平武再諭

爲再行曉諭事照得平武東北鄉各處本年復以集會生波本州奉委到此一爲編聯保甲二爲確查爾等情形若可善辦固屬甚

好如其不能回省稟明之後自有辦法並非此次誘掣爾等也本州以爲世無不可化之人况查爾等此次尚無大惡其自卡逃出之人間有邀約黨與者不過恐被差掣聊爲自衛之計至於會首人等亦爲陝民告債不堪拖累所以邀約鄉人恃眾爲符不肯赴案其迹固屬抗法但聞爾等私議凡有陝民債案差役下鄉每案給錢若干文令其回銷是於抗法之中仍存守法之意委因差役虎狼自惜血肉並非上年集團滋事之比也惟是糾眾一事已屬犯法若再扛帮鬪毆把持鄉人不許還賬則是有意梗法情無可原矣本州此來實欲面見爾等愷切開導望爾改惡爲善亦卽轉禍爲福並藉爾等之力挽回地方之風無奈爾等誤聽訛言恐其省齋全集

卷九 示諭

七

套掣匿不遽出殊辜負此一片婆心矣但自今以後編聯保甲人有統屬差役之風自當少熄而陝民索債亦諄諭以寬厚爲心勿輕告狀爾尤當體貼此意勸率鄉人極力還賬則血脉流通地方清靜卽爾本縣白主豈有不喜而必欲仇視爾等乎昔潮州有鱷魚盤踞大澤成精作怪大爲地方之害韓文公祭而責之是夜大雷大電遷徙一空夫本州固不如韓文公而爾等當較靈於鱷魚豈真不知好歹不曉利害如果執迷不悟是爾等欲世無王法王法又豈容世有爾等將來必有追念吾言之日恐其晚矣本州未能將一片熱腸對爾傾倒沿路耿耿是以再留告諭爾等請地方紳士輩爲爾細講而深思之特諭

此論因在喬庄纔住一日而督憲琦有調任陝甘之行首縣專
差兼程合還路中耿耿爲留此論隨聞行後諸人已集來見矣
歉歉

廠商爐戶等論 甯遠府

照得本署府赴任以來沿途採訪知爾廠商爐戶人等近來辦銅
甚屬竭蹶除廠產不能比昔外其故尚有數端硃日遠昔之工
省而今倍矣物價日貴昔之費少而今倍矣銅則賠折日多故昔
之秤平而今之秤旺銀則攤扣日多故昔之平大而今之平小加
以昔銅分商而今則無有昔銀價高而今則日低有此數端其苦
可知辦廠之人所以紛紛歇手者大都坐此夫天財地寶豐嗇有
省齋全集 卷九 示諭 聖

計開

一本署府發來銅本俱係領來藩庫原銀並無撻雜低潮
一雙龍雙寶凹腦腳青山嘴等廠向係爐戶自行儘數運至府局
繳銅領價會理鹽源各局亦僱馱腳運府惟兌收稽時卽不免
有守候之苦今本署府將開支腳價錢文先存局內凡脚夫人
等運銅到局不拘多少隨將腳價開清不準遲滯仍俟攬頭一

票之數全行到局卽與照數秤收亦不得稍有指留倘書差有違許卽喊稟如此隨到隨行庶不致有株守之累及賣票之苦一解局挑剩之銅出票發行尚有稅銀一兩今仍照從前減作稅錢六百文

一商爐人等知已辨有砵本或缺費用自宜量爲接濟毋令煎鍊稽時但不得任意預支致滋虧累

勸民節儉示

茂州咸豐元年辛亥

爲勸民節儉以挽頽風事照得茂屬地方土瘠民貧必須勤儉度日方可久長一染奢華立即蝸涎乾枯矣查州屬民間食用尚知節儉惟遇婚喪等事酒席浮費流弊無窮人人叫苦而風氣所驅省齋全集

卷九

示諭

吳

不能自由爲此剴切曉諭爾士民其敬聽毋忽

一喪事不宜用酒席也父母終天人生第一大事但古人所謂盡心盡力者只是衣衾棺槨父母實受之處不可苟且然尙說個喪事稱家之有無又說個喪不慮居言喪事雖要竭力不可至於當賣居宅也今乃以酒席浮費之故反致衣衾棺槨不敢盡力揭賬累債當田賣屋甚者停喪不葬至於數年數十年之久肉化骨朽不得入土爲安苟有人心忍乎不忍夫酒肉宴客惟喜事宜然耳喪事用之卽爲悖禮昔程子居喪客有索酒肉者將事者白之程子曰不可陷人於惡王陽明先生居喪遠來年長者畧用酒肉湛甘泉面非之凡以事屬凶哀非用酒肉之地

耳今也爲孝子者不啻大排筵宴爲弔客者竟至稱觴醉飽卽令家有餘錢費用裕如而質之禮意實不堪問何況使家貧者竟無以葬父母耶詩云凡民有喪匍匐救之正以人遭大變如落陷穽故有親朋救助之義豈可反以酒食相責稍簡卽目爲不孝抑知不孝之罪在此不在彼此其大惑者一也

一喜事資廬酒席最宜儉也昔范文正公聚媳聞女家嫁奩有羅帳公怒曰紗羅何物而用作帷帳壞吾清白家風耶召以至常火諸庭女家聞之遂不敢用柳公綽曰必待資奩豐備何如嫁不及時可見古人嫁聚只求佳婿淑女耳餘皆不講且更以爲

戒今人嫁娶動以嫁奩賸奩相責備實屬惡俗又州屬風氣結

親者先議財禮錢數十千至百千不等此正古人所謂婚姻論財夷虜之道者今後切宜共改不可甘以夷虜自處也至於迎娶之時前後數日設筵請客動輒數十棹飲食之外又須攜帶餅肉以此揭債變產說是疼愛兒女却反貽兒女之累甚至男長女大只因無力辦酒多年不能成婚並致中間生出別故者往往有之豈不可笑豈不可憐此其大惑者一也

一平常請客酒席宜儉也司馬溫公嘗言其太翁做官時客至必置酒酒不過五行七行肉菜不過數器會數而禮勤物薄而情厚此言同寅會食只是隨隨便便不覺費事便可以時常接聚情意親熱也今時官場酒席日趨繁靡而鋪家動學官場居民

又學舖家小碗若干點心若干又要用海菜方爲敬客其實坵
盤狼籍入口者能有幾何餘皆暴殄而已至於海菜之爲物必
藉肉味方可下咽若使本身曰煮一片腥臊之氣有何可吃乃
人却賤肉而貴海味正如棄親子而拜乾兒細思不覺失笑聞
海濱地方海參魚翅只當小菜而却以羊肉爲上品可見人情
之侈非取其美只取其貴如今銀錢缺貴是豈不可以已乎古
人云居山以魚鱉爲禮居澤以鹿豕爲禮謂之不知禮此言木
地各有生產若舍近而求遠便是背禮况親朋會食所以聯情
今因所費不貲自度不能還席者卽不敢赴人之請平日情意
豈不反致生疎此其大惑者一也

省齋全集

卷九 三論節

吳

以上三條姑就風氣之最切者言之大抵禮始諸飲食則挽回
非禮亦宜始諸飲食今後喪事萬不可設酒席之名只是青菜
豆腐與人吃飽不但省費正所以守禮也至於喜事及平時請
客下酒碟子少則兩個四個至多八個正饌或四盤或五碗至
多八碗勿用熱吃勿用小菜其貧家小戶並不必拘此例愈儉
愈妙古來天子諸侯尚說二簋可用享何況百姓又如演戲做
會均屬靡費少唱幾本少擺幾碗有何不可何必強人出錢付
諸東流乎爾地方讀書知禮之士首先倡行並爲不識字者誦
誦講說則風俗之幸也特論

省齋全集卷之九終

